


Constituziun dalla pleiv roman – catolica da Laax



2015

Cuntegn

I. Disposiziuns generalas.....	3
Art. 1 Concepziun	3
Art. 2 Intent	3
Art. 3 Lungatg official.....	3
Art. 4 Egalitad dallas schlatteinas	3
II. Dretgs, obligaziuns e modalitads generalas	4
Art. 5 Commembers	4
Art. 6 Dretg da votar, d'elecziun ed eligibilitad	4
Art. 7 Exclusiun e recusaziun	4
Art. 8 Perioda d'uffeci	4
Art. 9 Petiziun	4
Art. 10 Iniziativa	5
Art. 11 Moziun.....	5
Art. 12 Interpellaziun.....	5
III. Determinaziuns organisatoricas	5
Art. 13 Organs	5
1. La radunonza generala.....	6
Art. 14 Organ suprem.....	6
Art. 15 Cumpetenzas.....	6
Art. 16 Convocaziun	6
Art. 17 Conclus, cumpetenzza da decider	6
Art. 18 Modalitads per votaziuns ed elecziuns	7
2. La suprazonza.....	7
Art. 19 Cumposiziun	7
Art. 20 Pensums e cumpetenzas.....	7
Art. 21 Representanza e sutscriziun	8
Art. 22 Funcziuns dils suprazonts	8
Art. 23 Uorden da fatschenta.....	9
Art. 24 Delegaziun	9
3. La cumissiun da gestiun	9
Art. 25 Cumpetenzas ed incaricas	9
IV. Fundaziuns.....	10
Art. 26 Fundaziuns	10
V. Ordinaziuns finanzialas	10
Art. 27 Administraziun dalla facultad	10
Art. 28 Taglias e taxas	10
Art. 29 Diever.....	10
VI. Recuors	11
Art. 30 Dretg da recuors	11
VII. Determinaziuns finalas	11
Art. 31 Entrada en vigur.....	11
Art. 32 Revisiun	11
Art. 33 Approbaziun	11

I. DISPOSIZIUNS GENERALAS

Art. 1 Concepziun

¹ Sebasond sin ils artechels 98 e 99 dalla constituziun cantunala e sin ils artechels 19 e suandonts dalla constituziun dalla Baselia catolica dil Grischun exista a Laax ina pleiv roman-catolica.

² La pleiv ei ina corporaziun autonoma dil dretg public.

³ Ses confins securarclan cun quels dalla vischnaunca politica da Laax.

Art. 2 Intent

- a) La pleiv promova il contact denter ils commembers e sustegn en collaboraziun cun il plevon la veta religiosa e morala.
- b) Ella procura per ils mieds necessaris per la pastoraziun e protegia la libertad digl operar pastoral.
- c) Ella risguarda ils basegns specials dils hosps, dil persunal da stagiun e dils luvrers digl exterior.
- d) Ella metta a disposiziun l'infrastructura per l'instrucziun religiosa per ils affons da Laax.
- e) Ella promova vicendeivlamein relaziuns cun pleivs ed instituziuns buca catolicas e gida a sliagir pensums generals el spért ecumen.
- f) Ella sestenta per ina collaboraziun en la pastoraziun surregiunala.
- g) Ella administrescha e tgira ils beins e la facultad.
- h) Ella representa ils interess da ses commembers envers las autoritads ecclesiasticas e publicas.

Art. 3 Lungatg official

En fatgs dalla pleiv ei il romontsch lungatg official.

Art. 4 Egalitad dallas schlatteinas

Las indicaziuns davart personas, funcziuns e professiuns en quella constituziun serefereschon sin omisduas schlatteinas.

II. DRETGS, OBLIGAZIUNS E MODALITADS GENERALAS

Art. 5 Commembers

¹ Commembers dalla pleiv ein, senza differenza da naziunalitad e dil dretg da burgheis, tuttas personas da confessiun roman-catolica che habiteschan sin territori menziunaus sut art. 1.

² L'extrada dalla cuminonza dalla pleiv vegn reconuschida mo sin fundament d'ina declaronza a scret alla suprastonza dalla pleiv, la quala communichescha la sortida agl uffeci da taglia communal. Ella ha vigur immediata.

Art. 6 Dretg da votar, d'elecziun ed eligibladad

¹ Il dretg da votar e d'elecziun possedan tuttas personas catolicas domiciliadas sin territori menziunaus sut art. 1 e han quei dretg ella vischnaunca da Laax.

² Persunas digl exteriur possedan tuts ulteriur dretgs dils indigens, aschilunsch ch'ellas ein en possess d'ina lubientscha da dimora.

³ Scadina persona dalla pleiv cun il dretg da votar sa vegnir elegida en in uffeci ni ina cumissiun.

Art. 7 Exclusiun e recusaziun

¹ Parents e quinais en lingia directa, conjugals e fargliuns astgan buc appartener el medem temps al medem organ dalla pleiv.

² Il commember d'in organ dalla pleiv ni d'ina cumissiun ei obligaus da prender stgisa tier votaziuns e tractaziuns, sch'ina fatschenta pertucca el sez, ni sch'in da ses parents el grad menziunau sut alinea 1 ha in interess persunal direct en caussa.

³ En cass da contestaziun decida igl organ pertuccau, en assenza digl interessau, schebein ils motivs da prender stgisa seigien obligonts.

Art.8 Perioda d'uffeci

¹ La perioda d'uffeci cuoza 3 onns per tut las scharschas dalla pleiv.

² Ei exista negina limitaziun d'uffeci.

Art. 9 Petiziun

Scadin commember dalla pleiv ha la pusseivladad d'inoltrar propostas e petiziuns che pertuccan damondas generalas ni specialas dalla pleiv. Quellas ston vegnir fatgas a scret

per mauns dalla suprastonza. La suprastonza ei obligada da prender posiziun en scret enteifer treis meins.

Art. 10 Iniziativa

In'iniziativa alla radunonza generala ei d'inoltrar a scret cun motivaziun alla suprastonza. Ella sto esser suttascretta da silmeins 50 votants. La suprastonza ei obligada da suttametter ina tala iniziativa alla radunonza generala e quei cun sia posiziun ni eventualmein cun ina cunterproposta. L'iniziativa sa vegnir retratga dils iniziants.

Art. 11 Moziun

Scadin votant ha il dretg da far ina moziun a caschun dalla radunonza generala era partenent fatschentas e caussas ch'ein buca publicadas sin la gliesta da tractandas. Vegn ina tala proposta acceptada dalla radunonza generala sco moziun, sto la suprastonza suttametter rapport e proposta alla proxima radunonza generala.

Art. 12 Interpellaziun

A caschun d'ina radunonza generala sa scadin votant pretender sclariment dalla suprastonza pertuccont ina situaziun ni ina liquidaziun d'ina fatschenta. Quella sto buca star en connex cun las tractandas publicadas. La suprastonza sa rispunder sco suonda:

- a) Immediat,
- b) a scret agl interpellant enteifer 60 dis,
- c) a bucca, a caschun dalla proxima radunonza dalla pleiv,
- d) refusar il sclariment sche impurtonts interess dalla pleiv ni da tiarzas personas giustificeschan quei.

III. DETERMINAZIUNS ORGANISATORICAS

Art. 13 Organs

Ils organs dalla pleiv ein:

1. La radunonza generala.
2. La suprastonza.
3. La cumissiun da gestiun.

1. La radunonza generala

Art. 14 Organ suprem

La radunonza generala ei igl organ suprem dalla pleiv. Ella cumpeglia tut las persunas cun il dretg da votar.

Art. 15 Cumpetenzas

La radunonza generala ha las suandontas cumpetenzas:

- a) relasch e midadas dalla constituziun e dalla lescha da taglia, cun resalva dall'approbaziun dalla cumissiun administrativa dalla Baseligia cantunala, sco era dad auters uordens ni regulativs obligonts,
- b) eleger il plevon sebasond sin art. 98 alinea 3 dalla constituziun cantunala e tenor la cunvegna denter igl uestg e la Baseligia cantunala,
- c) eleger la suprastonza,
- d) eleger ils commembers dalla cumissiun da gestiun,
- e) approbar il quen annual, il preventiv e fixar il pei da taglia,
- f) vender, brattar ni impegnar beins immobiliars e terren, engraviar ni favorisar tals cun dretgs persunals e dretgs reals restrenschis, serrar contracts cun dretg da baghegiar, impegnar facultad dallas fundaziuns ecclesiaticas resalvau il consentiment digl ordinariat episcopal,
- g) decisziuns sur damondas resalvadas expressivamein alla radunonza dalla pleiv ni che vegnan suttamessas dalla suprastonza dalla pleiv,
- h) decider davart alianzas cun autras pleivs,
- i) decider davart novas plazzas da lavur per pleiv e pastoraziun.

Art. 16 Convocaziun

¹ La radunonza generala ordinaria ha liug annualmein ell'emprema mesadad digl onn. La convocaziun ha da succeder silmeins 10 dis avon entras publicaziun officiala adattada (Fegl official dalla Surselva).

² Radunonzas da pleiv extraordinarias vegnan convocadas (cun il mied dall'iniziativa) sin giavisch da 30 votants ni sche la suprastonza anfla quei per opportun.

Art. 17 Conclus, cumpetenzza da decider

¹ La radunonza generala sa prender conclus valeivels, sch'ella ei convocada el senn dalla constituziun.

² Tut las tractandas ein da publicar. Tractandas che vegnan proponidas pér a caschun dalla radunonza generala sa la radunonza generala transformar en moziuns ed interpellaziuns ch'ei da tractar ella proxima radunonza generala.

³ Tut las tractandas basegnan ina examinaziun preliminara dalla suprastonza.

Art. 18 Modalitads per votaziuns ed elecziuns

¹ Las votaziuns ed elecziuns vegnan ordinariamein fatgas cun maun pli. Igl ei denton da scrutinar sch'in tschunavel dils votants presents pretenda scrutini.

² Tier votaziuns cun scrutini vala igl absolut pli dallas vuschs valeivlas (diember dallas vuschs valeivlas : 2 + 1).

³ Tier votaziuns cun maun pli decida igl absolut pli da quels che votan gie ni na. Ein las vuschs ulivas ei la damonda renviada.

⁴ Tier elecziuns vala egl εμπrem scrutini igl absolut pli dallas vuschs, el secund il relativ pli. Ein las vuschs ulivas decida la sort.

2. La suprastonza

Art.19 Cumposiziun

La suprastonza ei igl organ executiv ed administrativ dalla pleiv sco era organ dalla Baselgia catolica dil cantun Grischun. Ella consista da:

- a) president,
- b) actuar / vicepresidente,
- c) cassier,
- d) ugau pervenda,
- e) plevon (ex officio).

Art. 20 Pensums e cumpetenzas

Alla suprastonza dalla pleiv ein suandonts pensums e cumpetenzas adossai:

- a) Representar la pleiv enviers autoritads ecclesiasticas, e politicas,
- b) preparar las fatschentas e las elecziuns per mauns dalla radunonza generala ed exequir ils conclus,
- c) menar il quen annunal, administrar las taglias, la facultad e preparar il preventiv per mauns dalla radunonza generala,

- d) exequir tuttas fatschentas dalla pleiv schilunsch che quellas ein buca resalvadas alla radunonza generala,
- e) concluder davart expensas unicas buca ligiadas entochen CHF 25'000.00 e davart expensas buca ligiadas che serepetan onn per onn entochen CHF 5'000.00,
- f) administrar e mantener ils baghetgs e beins dalla pleiv,
- g) menar process e recuors e serrar contracts e convenziuns (risguardond litera e). Ei stat liber alla suprastonza da suttametter la damonda alla radunonza generala,
- h) fixar pagas e honoraris,
- i) administrar igl archiv dalla pleiv,
- j) eleger personas en scharschas ed uffecis dalla pleiv, serrar giu ils contracts da lavur respectiv d' incarica (risguardond litera e),
- k) survegilar las extradadas da commembers e comunicar quellas agl uffeci da taglia communal,
- l) collaborar cun ulteriuras suprastonzas da pleivs.

Art. 21 Representanza e suttascripziun

¹ La suprastonza representa la pleiv anoviars enviars tiarzas personas ed avon dertgira.

² La suttascripziun legalmein valeivla en num dalla pleiv cumpeta al president dalla pleiv ni en cass d'impediment al vicepresidente ensemen cun in ulteriur consuprastont en fuorma collectiva.

Art. 22 Funcziuns dils suprastonts

¹ Las obligaziuns dils singuls suprastonts ein:

IL PRESIDENT

- a) El convochescha las radunonzas generalas e las sesidas dalla suprastonza ed empeila quellas. El ei representant dalla suprastonza e dalla pleiv. Per cass ch'el ei impediug vegn el substituiug entras il vicepresidente.
- b) El segna ensemen cugl actuar protocols, contracts ed ulteriurs documents d'impurtonza.

IGL ACTUAR / VICEPRESIDENT

- a) El substituescha il president en cass che lez ei impediug.
- b) El redegia ils protocols dalla radunonza generala e dallas sedutas da suprastonza. El segna ensemen cul president protocols, contracts ed ulteriurs documents d'impurtonza.

IL CASSIER

- a) El administrescha la facultad dalla pleiv e meina la contabilitad dalla pleiv.
- b) El tschenta ensemen il preventiv per mauns dalla suprastonza.

IGL UGAU PERVENDA

- a) El survigilescha ils beins e baghetgs sacralis e profans (baselgia e pervenda) dalla pleiv e meina in register dils praus.
- b) En cass d'observaziuns che basegnan migliur orientescha el il president.
- c) El ei la persuna da contact per il caluster ed organist.

IL PLEVON

- a) El representa ils interess dalla pastoraziun ella suprastonza e tgira il brat denter la suprastonza ed il cussegl pastoral.
- b) Il plevon ei responsabels per la pastoraziun, secretariat e catechesa.

² Las funcziuns pli detagliadas dils suprastonts vegnan regladas en in reglament separau. Quei reglament vegn fixaus ed approbaus dalla suprastonza.

Art. 23 Uorden da fatschenta

¹ La suprastonza serimna sin invit dil president ni sin giavisch da 2 da ses commembers.

² Ella sa concluder valeivlamein sche silmeins 3 commembers ein presents. Votaziuns ein da far tenor artechel 18

³ Conclus sin via circulara ein valeivels mo en cass d'unanimitad.

⁴ Scadin commember che fa part dalla suprastonza ei obligaus da votar.

Art. 24 Delegaziun

La suprastonza sa delegar pensums al president, a singuls commembers ni ad ina cumissiun per liquidaziun. Davart andaments e resultats han ils incumbensai da rapportar detagliadamein alla suprastonza. En cass da pensums pli gronds redegia la suprastonza in carnet da duers per ils incumbensai.

3. *La cumissiun da gestiun*

Art. 25 Cumpetenzas ed incaricas

¹ La cumissiun da gestiun secumpona da 2 commembers.

² La cumissiun da gestiun seconstituescha sez

³ Ils commembers dalla cumissiun da gestiun examineschan annualmein la contabilitad, il quen annual e controlleschan la gestiun (protocols dalla suprastonza, miran ch'ils conclus seigien vegni exequi) e dattan rapport alla pleiv davart il resultat dalla revisiun.

⁴ L'incumbensa dalla cumissiun da gestiun sa era vegnir surdada ad in post extern cumpetent.

IV. FUNDAZIUNS

Art. 26 Fundaziuns

La pleiv posseda la fundaziun ecclesiastica Pleiv Laax.

V. ORDINAZIUNS FINANZIALAS

Art. 27 Administraziun dalla facultad

¹ La suprastonza procura per ina buna administraziun dil menaschi dalla pleiv. Il quen da menaschi ei da serrar mintgamai ils 31 da december. El duei sebasar sin in saun fundament fagend amortisaziuns e reservas.

² La facultad dil fondos ei integrus el quen dalla pleiv ed ei da plazzar cun sufficienta segirezia.

Art. 28 Taglias e taxas

¹ Per cuvierer las expensas currentas per cultus e pastoraziun e per auters basegns dalla pleiv vegn incassau ina taglia da cultus.

² La lescha da taglia regla ils detagls.

Art. 29 Diever

La taglia vegn duvrada per:

- a) expensas che sedattan ord il menaschi dalla pleiv per il cult,
- b) l'erecziun ed il manteniment d'objects che surveschan alla pleiv,
- c) curclar eventuals deficits,
- d) augmentaziun dalla facultad dalla pleiv, fundaziun e fondos,

e) auters interess e basegns dalla pleiv.

VI. RECUORS

Art. 30 Dretg da recuors

Encunter conclus dalla suprastonza e dalla radunonza generala sa vegnir recurriu enteifer 20 dis tier la cumissiun administrativa dil Corpus Catholicum tenor art. 25 e suandonts dalla constituziun cantunala dalla Baselgia catolica dil cantun Grischun.

VII. DETERMINAZIUNS FINALAS

Art. 31 Entrada en vigur

¹ Questa constituziun survegn vigur legala suenter esser acceptada dalla radunonza generala ed approvada dalla cumissiun administrativa dalla Baselgia cantunala.

² Questa constituziun remplazza la constituziun existenta dils 17 da december 1971.

Art. 32 Revisiun

¹ Questa constituziun sa vegnir revidida da tut temps parzialmein ni cumpletamein. Ina midada sto vegnir tractandada e decidida a caschun d'ina radunonza generala cun ina maioritad qualificada da 2/3 dallas vuschs dils presents.

² Scadina revisiun sto vegnir suttamessa per l'approbaziun alla cumissiun administrativa dalla Baselgia cantunala.

Art. 33 Approbaziun

Questa constituziun ei vegnida approvada entras la radunonza generala dalla pleiv ils

10 d'avrel 2015.

Per la pleiv roman-catolica Laax

Laax, ils 10 d'avrel 2015

Il president:

Igl actuar:

.....

.....

Maurus Cavigelli

Christof Pohle:

Approbada dalla cumissiun administrativa dalla Baselgia cantunala.

Cuera, ils

Il president:

La secretaria:

.....

.....

Lic. iur. Placi Berther

Maria Bühler
